

आकाशवाणी

खबरां पूनम डोगरा कोला।

1. प्रधानमंत्री नरेन्द्र मोदी 70एं बरें दी बरेस शा बद्ध सब्बने बुजुर्ग नागरिकें दी खरी सेहत लेई सेहत बीमें दा उद्घाटन करगंन।
2. रोजगार मेले च 51 ज्हार शा बी मते नोजवानें गी नियुक्ति पत्र सौंपे जांगन।
3. साइबर अपराध समनवय केन्द्र नै अवैध अदायामिएं आले सरिस्ते खलाफ सौहगा कीता ऐ।
4. उद्योग वाणिज्य मंत्री पियूष गोयल आर्थिक सैह्योग दे नमें आयाम तुप्पने लेई सकुदी अरब दे दौरे पर जा'रदे न।
- 5 झारखंड असैबली चुनाएं लेई नामांकन भरने दी अज्ज खीरी तरीक ऐ।

<><><><><><>३

PM

प्रधानमंत्री नरेन्द्र मोदी होर अज्ज धनवंतरी जयंति ते 9में आर्युवेद दिवस दे मौके उप्पर नमीं दिल्ली च स्वास्थ्य सरबंधी तकरीबन 12 ज्हार 850 करोड़ रुपे दी लागत आली केई परियोजनाएं दा उद्घाटन ते नीह पत्थर रखगंन। मोदी होर आयुष्मान भारत प्रधानमंत्री जन अरोग्य योजना च 70एं बरें ते एहदे शा बद्ध उमरी दे नागरिकें गी बी शामिल करने दी योजना दा बी शुभरंभ करगंन। एहदे कन्नै सब्बे आय-वर्ग दे वरिष्ठ नागरिकें लेई स्वास्थ्य सुविधा सखल्लियां होई जांगन। स्वास्थ्य सुविधाएं गी बेहतर बनाने लेई प्रधानमंत्री होर केई स्वास्थ्य संस्थानें दा उद्घाटन ते नीह पत्थर रखगंन। ओह देश दे पैहले अखिल भारतीय आयुर्वेद संस्थान दे दुए-गोड़ दा बी उद्घाटन करगंन। इस मरहले च 1 पंचकर्म अस्पताल, दुआइयां बनाने लेई इक आयुर्वेदिक फारमेसी इक खेड चिकित्सा इकाई, इक केन्द्रीय पुस्तकालय, इक आईटी ते स्टार्ट अप इनक्यूबेशन केन्द्र ते 500 सीटें आला इक अस्पताल शामिल होग। मोदी होर मध्य प्रदेश दे मन्दसौर नीमच ते सिवनी च 3 चिकित्सा महाविद्यालय दा उद्घाटन करगंन। ओह हिमाचल प्रदेश दे बिलासपुर पच्छिम बंगाल दे कल्याणी, बिहार च पटना, उत्तर प्रदेश च गौरखपुर, असम च गोवाहटी ते नमीं दिल्ली च अखिल भारतीय आर्युविज्ञान संस्थानें च चिकित्सा सेवा दे विस्तार ते जन औषधि केन्द्र दा शुभरंभ करगंन। प्रधानमंत्री मध्यप्रदेश दे इंदौर च कर्मचारी राज्य बीमा निगम ईएसआईसी अस्पताल दा बी उद्घाटन करगंन। ओह हरियाणा दे फरीदाबाद, कर्नाटक दे बोम्मा-संद्र ते नरसापुर, उत्तर प्रदेश दे मेरठ ते मध्यप्रदेश दे इंदौर च ईएसआईसी अस्पतालें दा नीह पत्थर रखगंन। प्रधानमंत्री होर यू-विन पोर्टल दा बी शुरूआत करगंन।

<><><><><><>

PM-Rojgar

प्रधानमंत्री नरेन्द्र मोदी होर अज्ज वीडियो कांफ्रेंसिंग राएं बक्ख-बक्ख विभागें च 51 ज्हार शा बद्ध नमें नियुक्त कर्मचारिएं गी उंदे नियुक्ति पत्र सौंपगन। साढ़े संवाददाता नै जानकारी दित्ती ऐ जे एह रोजगार मेला देश दे बक्ख-बक्ख 40 थाहरें उप्पर आयोजत कीता जाग।

<><><><><><>

Cyber Crime

भारती साइबर अपराध समनवय केन्द्र नै दुएं दे बैंक खाते दा इस्तेमाल करिये अवैध भुगतान प्रणालियां बनाए जाने प्रति सौहगा कीता ऐ। अंतराश्ट्रीय संगठित साइबर अपराधी धनशोधन लेई नेह बैंक खाते दा इस्तेमाल करदे न। गृह मंत्रालय मूजब हाल च गुजरात ते आंध्रप्रदेश पुलस दे छापे च पता लग्गा ऐ जे अंतराश्ट्रीय अपराधी गैर कनूनी, डिजिटल भुगतान-अपराध, करा'रदे न। गृह मंत्रालय दुइएं अजेसिएं कन्नै रलिये साइबर अपराधे थमां बचाह दे उपाह करा'रदी ऐ।

<><><><><><>श

Piyush Goyal

वणिज्य ते उद्योग मंत्री पीयूष गोयल अज्जै थमां सऊदी अरब दी दऊं दिनें दी यात्रा पर रौंहगन। एहदा मकसद भारत ते सऊदी अरब मझाटै सांझ म्याली बधाना ते बपार, निवेश ते आर्थिक सैहयोग दे क्षेत्रे च नमें मौके दी तपाश करना ऐ। ओह सऊदी अरब दे रियाघ च 8में भावी निवेश पैहल सम्मेलन च बी हिस्सा लैगन। श्री गोयल सऊदी अरब दे प्रमुख मंत्रिएं कन्नै मीटिंग लांगन। इस दरान ऊर्जा रूपांतरण, डिजिटल सुधार ते बपार सखाल सरबंधी मुद्दे पर चर्चा कीती जाग। श्री गोयल भारत-सऊदी अरब म्याली परिषद तैहत अर्थबवस्था ते निवेश समिति दी दूई मंत्री सतह दी बैठक दी सांझे तौर पर अध्यक्षता करगंन। इस मौके पर राई-बाई, खाद्य सुरक्षा, ऊर्जा, प्रौद्योगिकी ते बुनियादी ढांचा विकास पर चर्चा कीती जाग। श्री गोयल सऊदी अरब च स्थित भारती दूतावास च "इक जिला इक उत्पाद" वाल परां बी परदा गोआड़गंन।

<><><><><><>श

Jharkand

झारखंड च विधानसभा चुनां लेई नामांकन पत्र दाखल करने दी अज्ज खीरी तरीक ऐ। महाराष्ट्र च मुख्यमंत्री एकनाथ शिंदे ते उपमुख्यमंत्री अजीत पवार समेत बक्ख-बक्ख दले दे मेदवारें कल नामांकन पत्र भरे। झारखंड च चुनां हल्के च 20 नवम्बर गी मतदान करोआया जाग। अजे तगर 632एं मेदवारें अपने नामांकन पत्र भरी लैते दे न। दस्तावेजे दी जांच 30 अक्टूबर गी कीती जाग ते नामांकन परताने दी खीरी तरीक पैहली नवम्बर ऐ।

<><><><><><>

Maharashtra

महाराष्ट्र विधानसभा चुनां लेई पर्चे भरने दा अज्ज खीरी ध्याड़ा ऐ। पर्चे दी जांच कल कीती जाग। 4 नवम्बर तगर जेकर मेदवार चांहन तां अपना नां वापस परताई सकदे न। राज्य दी सब्बने 288 सीटें लेई 20 नवम्बर गी इक गेड च मतदान होग। वोटें दी गिनतरी 23 नवम्बर गी होग। महाराष्ट्र दे मुख्यमंत्री एकनाथ शिंदे, उपमुख्यमंत्री अजीत पवार ते कांग्रेस दे वरिष्ठ नेता विजय वडेटीवार होरें कल अपने नामांकन भरे हे। महाराष्ट्र नवनिर्माण सेना प्रमुख राज ठाकरे उंदे पुत्र अभित ठाकरे होरें बी कल अपने नामांकन पत्र दाखल कीते।

<><><><><><>

Kerala

कल बद्दी राती लै केरल दे कसरगोड़ जिले च नीलेश्वरम च इक मंदरै च लग्गने आले उत्सव लेई किट्टे करिये रखे गेदे पटाखें च अगग लग्गने करी तकरीबन 1 सौ लोक जख्मी होई गे। जख्मिएं चा 10एं दी हालत गंभीर दस्सी जा'रदी ऐ। घायलें गी प्रांतै दे बक्ख-बक्ख अस्पतालें च दाखल करोआया गोआ ऐ। नीलेश्वरम दे वीरारकाबू मंदरै च एह हासदा उसलै पेश आया जिसलै उत्थें बड़ी मती हगनतरी च श्रद्धालु किट्टे होए दे हे।

<><><><><><>

Patna

पटना साईंस कालेज कश चला'रदे निर्माणधीन मैट्रो रेल परियोजना लेई खुदाई दे कम्मै च लग्गे दे घट्टोघट्ट 2 मजदूर मारे गे। सरकारी सूत्रें दस्सेआ जे एह हादसा कल रातीं टनल दी बोरिंग मशीन च कोई तकनीकी खराबी औने करी होआ। 5एं मतदूरें दा इलाज निजी अस्पताले च चला'रदा ऐ।

<><><><><><>

Hockey

हॉकी च महिला एशियाई चैंपियन्स ट्रॉफी लेई 18 सदस्यें आली टीम दी घोषणा करी दितती गई ऐ। एह प्रतियोगिता 11 थमां 20 नवम्बर तगर बिहार दे राजगीर च खेड्डी जाग। भारत दी कप्तानी मिडफील्डर सलीमा टेटे होर करगंन ते फारवर्ड नवनीत कौर होर उपकप्तान होंगन। प्रतियोगिता च भारत दा पैहला मकाबला मलेशिया कन्ने होग। चीन, जापान, कोरिया ते थाईलैंड प्रतियोगिता च शामिल दुइयां टीमां न। पिछली बारी एह प्रतियोगिता भारत नै जित्तेआ हा।

<><><><><><>